

KUMPUAN
RAM LEH HNAM
HUMHALH

YMA



CHANMARI WEST BRANCH YMA CHANCHINBU KAR TIN CHHUAK. VOL. XXIII. ISSUE NO.18 29th April 2012

CADS - in tanpuina pawisa Rs 1,30,000.00 dawng tawh

Chanmari West, April 29 : Central YMA in a din ruihhlo dotu pawl Central Anti Drug Squad chuan Ni 23.7.2011 atanga Ni 12.4.2012 thleng khan pawisa a tanpuina Rs 1,30,000.00 a dawng tawh a ni. Heng tanpuina hrang hrangte hi Kohhran, pawl hrang hrang leh mimal thahnemngait atangin a ni. Hetiang tanpuina tam tham tak an dawn lai hian hna pawh nasa takin an thawk a, heng ruihhlo 1. Parvon/Proxyvon - 91489 Capsules 2. No 4 (Heroin) - 11

Hawng, 318 Cans, 149 Caps 3. Nitrosun/Alprozelam - 1357 Tablet 4. Ganja - 5 Kgs, 50 Grams 5. Cough Syrup - 3922 Bottles. te hi an man tawh a, an thil man hlut zawng hi Rs. 1,17,46,760.00 a ni. Mi man a vuak ringawt hi an tih a ni lova Home/ Centre-a 29 dah tawhin mi 621 Counselling pek an ni tawh bawk.

Heng ruihhlo Parvon/Proxyvon - 16055 Capsules te, No 4 (Heroin) - 1 Hawng, 231 Cans, 137 Caps te, Nitrosun/Alprozelam - 1352 Tablets leh Ganja - 250 Grams an mante hi Ni 13.4.2012 zingah khan halral a ni. An thil man hlut zawng hi 5. Halral hlutna

- Rs. 17,49,985.00 lai a ni tawh a ni. Report huamchhungah hian Excise Department-ah Parvon/Proxyvon - 45434 Capsules te, No 4 (Heroin) - 10 Hawng, 86.5 Cans, 12 Caps te, Nitrosun/Alprozelam- 5 Tablets te, Ganja - 2.800 Kgs te, Aquacet - 3081000 Tablets te, Encold - 331200 Tablets te, Loract 'D' - 540900 Tablets te, Actiman - 5833000 Tablets leh Coolex - 452330 Tablets te an hlan tawh bawk a, an thil hlan hlut zawng hi Rs. 99,96,775.00 a ni. Hetiang a hma nasa tak la a, hna thawktu hi C. YMA chuan tanpuia, tawngtaipui zel turin mizo mipuite a ngen a ni.

Local Council News

Collection of Property Tax : Ni 7-12.5.2012 chhung hian YMA Zawlukah Chanmari West, Hunthar leh Edenthal huamchhunga mite hnena Property Tax lakkhawm a ni dawn a, heng chhiah pek tur nei chuan hun tiam chhung hian pek tur a ni.

NLUP chungchang: Ni 27.4.2012 khan Chanmari YMA hall-ah NLUP, Industry Dept hnuia trade thenkhatah 2nd installment sem a ni a, heng a hnuia kan han tarlante hian Ni 30.4.2012 (Thawtanni) aia tlai lovah Industry Office, Ramhlun Venglaiah in report tur a ni e.

1. H. Lalramliana s/o Ruma (Beauty Parlour)
2. Lalbiakdika s/o H. Dinga Automobile.
3. James D. Chhangte s/o C. Sangluia Electronics
4. Lalrinnungi d/o Laibata Petty-I
5. Malsawmkima s/o Thangliansima Petty-I

NGENNA

Central YMA Football leh Basketball Tournament kan hmachhawn turah kan Branch YMA member zawng zawngte chuan Rs 10.00 aia tlem lo theuh thawh tur a ni a, hei hi Section YMA ten an khawn dawn a, thahnemngai taka pe theuh turin Branch YMA chuan member zawng zawngte a ngen a ni.

YMA CHHANGTE HRIAT TUR

Chanmari West Branch YMA chhang member zawng zawngte Ni 5.5.2012 (Inrinni)-ah hian Primary School kawtah zing Dar 10:00-ah LPS Naupang pualte nen hun hmanho tur a ni a, YMA chhang member zawng zawngte kal theuh tur a ni e, hun hlimawm tak hmanho tum a ni.

Branch News

 Central YMA in Inter Branch YMA Football leh Basketball Tournament a buatsaih champion ngei tura inbuatsaih zel a ni.

 Kan vengchhungah Gas sem chungchangah a semtute lo enpui thin a ni.

 Ni 25.4.2012 zan khan Neuva Section chhungah sap zu 12 bottles man a ni a, a neitute hi na taka zilh an nih hnuah ngaihdam rih an ni.

 YMA Zawlukah kawmchhak lei laih ngai awm chu Section tinte inhlawhna atan ruahman a ni.

 Central YMA Football leh Basketball Tournament kan telna turah YMA member tin ten Rs10/- theuh thawh tur a ni a, Section hruaitu ten an rawn khawn hunah tlawmngaia lo pe turin kan innge e.

PEM LUT

1. Pu Lalrinchhana te chhungku chu Bawngkawn atangin Pu CL Thianglima 'V' Section te In an luah.
2. Pu K. Lalrinmawia te chhungku chu Zemabawk atangin Pi Lianzothangi 'V' te In an luah.
3. Pu F. Lalrinzama te chhungku chu Ngopa atangin Salvation Army Chowkider 'N' Sectionah.

PEM CHHUAK

1. Ni Ophily Gangte te unau Pu C. Ruakhuma 'CH' Section te In luah chu Chanmari-ah an pem

TUNKARCHANGVAWN

"Thiltih sual chungah hremna hlen nghal mai anih thin loh avangin, mihring fate thinlung chu thil sual ti turin a lo ngampa tawh thin a ni. Mi sual chuan wawi za pawh thilsual tiin dam rei bawk mahsela, Pathian tih tuten amah ngei an tih avangin a tha thovang tih ka hria."

Thuhrlitu 8:11,12

Editorial Board

Editor:	J.Lalnangliana	9862399658
Joint Editor :	Lalchhandama	9862358347
News Editor :	Thangkhuma R. Lalrinngetha	9862303135 9862358337
Cir.Manager :	Jacob Lalrinsanga Johny Lalthanpuia	9612319779 9612359161
Production Manager :	EVL. Hruaitluanga R.Lalhmachhuana	9862655426 9436151817

Branch Office Bearer

President	T. Ngurkhuma	9436190843
Vice President	R. Lalhmachhuana	9436151817
Secretary	RL. Thanhnuna	9436152760
Asst. Secretary	Zairemmawia	9862385654
Treasurer	C. Lalzarliana	9436142049
Fin.Secretary	K. Darthantluanga	9436196071
Adviser-te :	Pu Lalbiakthanga Khiangte Pu Rothuama, Pi Zamanthangi Pu Lalrengpuia Sailo	

Article :***Editorial :***

Central YMA chuan Football leh Basketball tournament a buatsaih turah kan branch pawh tel kan tum a, dinhmun tha tak chang ngei tura kan beih angai hle a ni.

He infiamna kutpuai kan hman turah hian kan veng tana thahnemngai tako lo khel tawh te kan hriat a, kan duh sak pawh a tha ve tho awm e. He hun atana pawimawh tak mai chu vengchhung mite puihna leh inpekna kan mamawh hle a ni.

Veng dangte hma lo lak tawh dan kan thlirin champion phu takin an lo che tawh thin a, hei hi keini pawhin kan zir a, kan tih ve ngei angai a ni. Branch YMA chuan he tournament hi a hautak avangin a huphurh hle a, amaherawhchu, kan thalaite tan anih tih hriain tel ve ngei tha a ti si a, sum a neih tam si loh avangin member zawng zawngte chet theihna turin pawisa cheng sawm theuh thawh turin a beisei a ni.

Heng pawisa thawh tura ruahman hi a tam tham lovin a harsa vak lovin a rinawm a, hei aia tam pawh hi kan ti thei ang, he inkhelh a, kan chak ber chuan kan thalai inkhelh tui tak tak hote tan hian thil tak tak a ni dawn a, kan infiam mite leh a tantute tan phurna a pe ang a, veng dang tan cho loh leng kan nih zia kan tir angai a ni

CHHINLUNG CHHUAK ZO HNAHTHLAKTE

K. Rohlupua

A hmasaber in he lehkha lo chhiartuten inlo chhiara in rilrua lo awm hmasa ber chu, anih leh Zo hnahlakte chu tute nge? tih a ni ngei ang le? Eng hnam chin hi nge Zo hnahlakte chu sawi kim sen chi pawh a ni lo. Chhinlung chhuak Zofate China ram atanga thlang rawn tla tan, Burma Khampata Kum 200 vel khawsa kan pi leh puten tuna Mizoram A.D.1740 vela rawn luah, chumi thlahte zel chu a ni a, heng Vai, Tuikuk, Chakma etc te hi chu thlahtu dang anni dahi le ?

Zo hnahlak tobul lam atangin han tan leh ila. China Ram Yangtse Lui ruam atanga thlang rawn tla tanin Burma Ram Chindwin lui an rawn zagh a, Khampat hmunah kum zahnih vel kum A.D. 966 khan an awm tan a, kum A.D. 1170 velah thlang an rawn tla leh ta a. Kum AD.1740 velah tuna kan chenna MIZORAM hi an rawn luah ta a ni.

Mizorama kum 272 vel a awm hnuah, Aizawl hi kum 1887 khan Sap pachal Superintendent, RB MC Cabe an hming phuahin a din ta a ni. Kumin hi kum 125 kan luah champha alo ni ve ta. Nova lawng tuk kum120 ai chuan arei deuh chauh a, ala rei lo hle mai, kei aia hre vek chu inni ngei ang le?

Amaherawhchu kan Ram neih chhun zimte sq Km 21,087 ah hian mihring cheng zat mi l091014 ah hian zo hnahlak ni ve lo chu mi 348494 lai mai kan lo khawi reng tawh mai a, a va pawi tak em. Tichuan Muslim 10099, Sikh 379, Jain 198, Budhist 70498 leh Hindu 31562 sakhua bia pawh an lo awm ve ta reng mai a, tin, Kristian pawh ni lo eng emaw zat anla awm bawk a ni. Heng atang hian zo hnahlakte kan ramah ngei ngei pawh kan chep tawh zia chu i hre ve tawh ngei ang le.

British hoten Mizote chu chimral mai theih annih hre rengin duhsaknain Inner Line Permit (ILP) hmangin min lo humhalh tlat lo phei sela nang leh kei hian Ram sawi tur pawh kan nei dawn tawh lo a, chu ILP lah chu aneitu Mizo ten kan chawinung tha duh lova, kan neihna arei tawh vei nen hemi lam bika Cell hran siam a, Enforcement din tura hmalak emaw pawh a awm hek lo. China leh Japan ram ropuite chuan emaw, India ram state dangte chuan ILP hi lo nei ve ngat sela, State sorkar-in abik takin Cell hran an nei ngei ngei ang le. Anti-Tobacco Squad pawh tul an tih chuan an din mai alawm.

Kan ram leh hnam him nan ILP, PAP kenkawha thlatina vak kual thei tur Mizo thalai staff tur kan tam ta. Mahni ramah mahni tawng kan thiam phawt chuan tupawhin an thawk thei. District tinah ILP Cell Enforcement awm ngei se, kartin emaw thlatina hnamdang check tura kan indan a pawimawh ta.

Mihring chu inmamawh tlang vek kan ni a, Mizo In hnam dang kan luahfir nasa lutuk ta te hi a pawi em em a, mahni zo hnahlakpuit ngei mai luah tir thin a tha khawp mai. Mizoram hi nakin zela i tu leh fate chenna tur anih dawn chuan tun atanga i lo inbuatsaih kha angai asin le.

Sam:137 a kan hmuu angin Israel faten Aigupta sala an tanna thu kan hmu a. kum 70 chhung sala an tan chung khan, Aw, Jerusalem ka theihngihilh che chuan, ka lei hi ka dangah bet tlat rawh se, an ti hial anih kha.

Keini Zo hnahlakte pawh hian kan lei Jerusalem chu he MIZORAM ngei hi alo ni si a, hmunkhatah awm vek thei lo mah ila. Chhim leh hmar chhak leh thlanya miten kan la ngai ve vawng vawng mai ang tih a hlawhawm ta hle mai.

Aw, Zo hnahlak unau te u, kan ram leh hnam a him tawh lova, Puanven sawichhingin Zo hnahlak pawl duhawm takah rinawm leh chhel takin awm ila. Mizoram hi Mizote chenna ram a ni zel ang em le ? ti chung in kan tu 1eh fa chhuan lo awm zel turte luah ve atan rochan i siamsak hram ang aw, nang leh keima mawh liau liau a ni e.

Inner Line Permit (ILP) hi Bengal Eastern Frontier Regulation 1873. sec.2 hmanga siam a ni a, Dt 9.1.1933 Notification, 2106 hmanga hriattirna chhuah a ni, he dan hi Mizoram, Nagaland, Arunachal te chauhin an hmang a ni.

2012 Thuvawn

I awmdan tur chu LALPA chungah nghan la; Amah chu ring la, aman a ti vek ang.

KHUANGCHERA

Central YMA sport-na atana YMA member tinte hnena Rs 10 khawn tur chu khawn fel thuai turin hruaitute an inchah.

Ni Lalduhawmi d/o Malsawma chu section committee member atan an ruat thar.

David Lalthazuala s/o R. Lalrizapa chuan HSLC II Div-ah a pass a, an lawmpui hle.

Ni 24.4.2012 zan khan YMA Runah Section Committee Meeting vawi 4-na an nei a, thu pawimawh tak tak an rel.

Sumtuaknan ser tui zawrh leh BP check neih tum a ni a, chhungtinte tlwmngai lo dawr turin an innge.

NEUVA

Ni 26.4.2012 (Ninga) zan khan Pasaltha Neuva Inah section Committee meeting an nei.

Ni 27.4.2012 (Inrinni) zing khan section huam chhungah Faina Hnatlang an nei.

Chhungtinte Sanitation bawlhhlawh paiah motor hmang tangkai thin turin an innge.

Tunlai hian vengchhungah thil bo a tam hle a, chhungtinte fimkhur turin an inchah.

Central YMA sport-na atana YMA member tinte hnena Rs 10 khawn tur chu khawn fel thuai turin hruaitute an inchah.

Kum 2012 chhung atana Section Budget Rs 5000 chu Rs 500 a khumin an tlak fel ta.

Central YMA leh sorkar inremna angin section huamchhunga Gas sem a nihin section hruaitute'n gas sem dan en enpui thin dawn a ni tih veng mipuite an hriat tir.

Section huamchhungah ruihtheih thil zawrh leh ualau taka hman khap a ni thi an inhriattir.

TAITSENA

Ni 24.4.2012 (thawhleh)zan khan YMA Bukah section Committee meeting an nei.

Vawiin chhun dar 12:00 hian Pu R. Lalthankima (b/o R. Lalsangzuala, Fin. Secy) ralna hun neih tur a ni a, hruaitute kim taka kal tur a ni e.

Ni 26.4.2012 (Ningani) zan khan Zawlukah lei laiin an hnatlang a, member 32 lai an thawkchhuak thei chu an lawm hle, thawtanni zingah khua a that chuan hnatlan leh tum a ni.

HSLC pass thar- Francis Zorempuia s/o Lalremluang (L) II Div

Central YMA sport-na atana YMA member tinte hnena Rs 10 khawn tur chu khawn fel thuai turin hruaitute an inchah.

Asst Leader Pu C. Lalmuankima'n a fapa matric pass lawmnnaa hruaitute a sawm chu an lawm hle.

VANAPA

Ni 20.4.2012 (zirtawp) zan khan Pu Zairemthanga inah Committee meeting an nei.

Pu C. Chawiliana dam lohna avanga Vellore pan pawh an lo haw leh ta.

Pu TC Lalremsiama te chhungkuain Chawnpui veng lama an pemsan chu an ui hle, an awmna veng lamah mi tangkai tak annih zui zel an duh sak.

Reuben Lalhmingmawia s/o Roluahpuia chuan Dt 20-22 April 2012-a Delhi-a All India Seikokai Karate Championship neih zawk takah Bronze Medal a la a, an chhuangin an lawmpui hle.

YMA AW Agent atan Tv. Lalnunhlima (VPA) ruat thar a ni a, kar leh atang chuan ama hnen atang hian a semtute'n YMAAW lak thin tawh tur a ni ang.

Ni 27.4.2012 (Zirtawp) zan khan Nimbu tui zuarin hruaitute an hnatlang a, tlwmngai chhuaha lo leisaktu chhungkua zawng zawnge chungah lawmthu an sawi.

Kum 2012 chhung atana Section Budget Rs 5000 an pe fel ta.

Jimmy Lalmuanpuia s/o C. Thanchungnunga chuan HSLC II Div-ah a pass a, an lawmpui hle.

Central YMA sport-na atana YMA member tinte hnena Rs 10 khawn tur chu khawn fel thuai turin hruaitute an inchah.

An hruaitu Pu Gordon Zosangliana damlo chu a thatchhuah thuai an duhsak.

CHAWNGBAWLA

Ni 24/4/2012 khan Pu Rosangpuia, Asst. Leader-inah Section Committee meeting neih a ni a, thu pawimawh tak tak an rel.

Intuaitharna tura zawnge, member tina an semchhuah chu member 200-in an chhang a, Committee chuan a chhangtu

zawng zawnge chungah lawmthu a sawi a, YMA AW-ah a remchan dan a zira rawn chhuah a ni ang.

Local Council-in an ngen angin Kawipuia Gas sem enpui turin committee chuan heng mite hi a ruat Pu K.Lalthakima, Pu Lalruatsanga leh Pu R.Lalhmingthanga. Tuna atang chuan anni kaihruaina hian Gas sem tawh tur a ni ang.

Central YMA-in Football leh Basketball tournament a buatsaih kan branch playerte inbuatsaih nan member-te hnenah Rs.10 theuh an rawn khawn dawn a, member-te an inhriattir lawk e.

Pu Lalbiakmawia Ralte s/o Rev.RB.Laitawia dam lohna avanga Aizawl Hospitala awm mek chu dam taka a rawn chhuah leh thuai an duhsak hle.

Intuaitharna tura quiz rawn telh chu a chhang dik atanga thum vawr a ni a, Serial no. **0522** in a man a, a lehkhaw bung serial number lanna nen Pu J.K Zosangliana, Treasurer hnenah lawmman (pen drive) a lam theih e. A lamtu an awm lo a nih chuan Ni 4.5.2012-ah vawr that leh a ni ang. Pen Drive hi Crown Computer-in an sponsor a ni.

CHUANAWM

Reuben Lalhmingmawia s/o Roluahpuia, Vanapa Section ami chuan Dt 20-22 April 2012-a Delhi-a All India Seikokai Karate Championship neih zawk takah Mizoram tan Bronze Medal a rawn hawn a. Tin, thla leha Mizoram aiawha All India Karate Federation-a tel tura thlan nghal a ni.

BRANCH YMA FOOTBALL PLAYER HRIATTIRNA

**Ni 30.4.2012 (thawtanni)
zingah hian Football-a kan Branch
YMA aiawh tura thlan zawnge
zawnge chu High School Field-ah
zing dar 6.00 ah kim vek tur a ni e.**

FOOTBALL NEWS

Ni 23.4.2012 khan Kolasib FC nen MFA Cup opening match an khel a, 3-2 in an chak.

Ni 27.4.2012 khan Theiriat FC nen an khel leh a, Technical rules lamah thil fel lo a awm avangin an khel zo thei lova, MFA Technical Committee thuchhuak an la nghak mek.

Thlanmual Sub-Committee

- ⦿ Ni 28.4.2012 (Inrinni) nileng hnatlang thlanmual tharah neih a ni a, member thawkchhuak an tha hle a, tlai lamah chawhlui kil ho nghan a ni.
 ⦿ Hun remchang hmasa berah Kuang duan hnatlang neih tum a ni.
 ⦿ Thlanmual a lo thianglim zawk theihna atan mahni chhungte thlan theuh tifai turin ngen kan ni e.

CVTTP NEWS

⦿ Ni 4.5.2012 (Zirtawp) zan hian meeting koh tum a ni a, bial neitu zawng zawngte khan mahni bial theuh te lo inpeih fel hman turin an inchah.

Lehka kawng bo

Heng a hnuia mite hian in lehkhya Editor hnenah lam tur a ni e.
 1. Lawmkungi d/o Tharzuala
 2. Zopari w/o F. Lalrinzuala (L)
 3. Lallianpui w/o Laltanpuia (L)
 4. K. Thanchungi w/o H. Lalengzama (L), Social Welfare Dept. Aizawl atangin.
 5. Hmar T. Lalnunsien c/o Lalrinsangi, Central Pension Accounting Office New Delhi atangin.

KEIMAHN

⦿ Pu Lalrengpua Sailo kan Branch YMA Adviser chuan YMA AW chhutute tan thingpui leh a hmeh tui tak leina min pe a, hetiang ang mi Adviser kan nei hi kan lawm hle a ni.

⦿ Kan Vice President Pu R. Lalmachhuan, Secretary Pu RL Thanhnuna leh Asst. Secretary Tv Zairemmawia ten min rawn telpui a, kan lawm hle.

⦿ YMA AW chhutna hmun chu tih changtlun zel tum a ni a, dawhkan, water filter, Steel Almira, ceiling fan leh thuthlengte mamawh a ni a, duhsaka pe thei kan awm anih chuan lawm takin kan dawng thei reng a ni.

Lawmthu

Pu PC Thangkhuma (L), K. Sectionte in bul tui pipe T-cluster mumal lo taka awm thin kha, bialt Councillor Pi Zamantangi leh Local Councilte hmalaknain siam that a ni a, hemi chungchangah hian PWD, PHE hotute leh thawktute chungah leh mipui lirtheia kal vel an tihbui zawng zawng chungah harsatna tlentute'n lawmthu an sawi a ni.

Jerez-ah tu nge tlan chak ber ang ?

(*Thuchhuah tur lam kan tlachham deuh a, mahni vei zawng zawng ziak ila, theh lut zel ang u. Ho lua emaw to lua emaw pawh a awm chuang lo va, kan veng chhung thil kher lo pawh a leng. Amaherawhchu, kan thu thawn erawh chhuah ngei ngei tur tihna a ni kher lo tih hriathiam a tha. A hnuia mi pawh hi a kar awl hnawh khahna chi khat a ni deuh ber : T-a*)

2010 world champion Jorge Lorenzo chuan Jerez tlankawngah kum thum a zawna pakhatna nih tumin vawi tlai hian intlansiak a hmachhawn dawn a, world champion Casey Stoner chuan harsatna a neih siam thaa kumina a vawi khat nan hnehna chan theih a inbeisei bawk.

2012 MotoGP championship-ah hian 1000cc hman a ni a, Qatar-ah tlan tawhin intlansiak tawp dawnah Yamaha khalhtu Lorenzo chuan Repsol Honda rider pahnih Stoner leh Dani Pedrosa lehpel ve vein pakhatna a ni a, Mallorcan rider hian a beisei phak loh hnehna a chang niin a sawi.

Losail tlankawng season an tannaah a hmasa ber atangin Stoner a tlan chhuak a, hun rei tak hmahruii pakhatna ni thei turin a fal hman. Mahse, lap nga vel a la awm tihin 'arm pump' vangin harsatna a tawk a, Lorenzo bakah a teammate Pedrosa-ten lehelin pathumna a ni hram.

Kumina a vawi hnih nan Spanish tlankawng hriat hlawh tak Jerez-ah an tlan leh dawn a, season tan hmaa champion tura rin kai Stoner chuan Qatar-a a buaina ang kha a neih zui a rin loh thu a sawi a, tuna an intlansiakna tur hi a chet that thinna hmun ni lo mah se, season inpuahchahna an neih laia an tlanna hmun niin a khalh chak ber a ni.

A chet thatna hmun ni lo mah se season tan hmaa hnuhma tha a neih tawh avangin Australian chuan tun pathianniah a chet that ngei a beisei. A teammate Dani Pedrosa chuan 2006-a MotoGP a luichilh atangin a vawi khat nan world champion nih a tum vemek bawk a, Stoner aiin Qatar-ah a che tha bawk a, a hnampui Spanish mipui hmaa tlan tur an nih avangin inrintawkna a nei sang viau bawk.

Season liam ta khan Yamaha-in Honda an tluk lo va, Lorenzo chuan a title humhim zo lovin a pumpuiah pahnihna a ni a, Honda tana season khat a hmannaah Stoner a champion. Kuminah pawh Honda bike tha hret tura ngaih a nihi laiin, season tannaah Yamaha khalhtu Lorenzo a chak ber a, Yamaha aiin kum kal ta aiin hma an sawn hret a, kuminah Honda nen an inel nasa lehzual tura ngaih a ni.

An tlan lehna tur Jerez-ah hian Lorenzo a tlan tha thei viau a, 2006 leh 2007 khan 250cc huanga a tel laiin kum zawnin pakhatna a ni. MotoGP a luichilh hnuah 2010 leh 2011-ah

Spaniard hi Spanish tlankawngah a chak zawn leh bawk.

Lorenzo chuan : "250cc-ah vawi hnih he hmunah hian ka chak tawh a, MotoGP-ah vawi hnih bawk, Jerez hi tlankawng zinga ka ngainat ber pakhat a ni a, a kawng awm dan hi ka bike khalh thiam dan nen a inmil em em," tiin Lorenzo chuan a sawi.

Stoner chuan : "Tun pathianni hian result tha tak kan beisei a, kan tlan hnuhnun ber atang khan a chhe zawng ni lovin a tha zawkin beiseina tam tak kan neih belh a, tlankawng zinga ka chet thatna hmun ni lo mah se season inbuatsaihna kan hman lai khan ka che tha a, inrintawkna sang tak ka nei a ni," a ti.

Honda leh Yamaha team tha pahnih el zo lo mah se, Ducati chuan Qatar aia chet that an inring viau bawk. 2006 world champion Nicky Hayden chuan a teammate Valentino Rossi aiin Qatar-ah result a nei tha a, nikum khan Jerez-ah dawhsan luah phakin tunhnaia rim taka hna an thawh avangin hma an sawn ngei tur thu a sawi.

Season liam ta atang khan vawi sarih MotoGP title la tawh Rossi chuan Ducati bike a khalh a, a la talbuai char char. Qatar-ah 10-na a ni hram a, Italian rider hian Jerez-ah chuan chak taka a bike a khalh theih a ring a, nal taka Ducati khalh tura la insiam rem tawk lo Rossi hian Jerez an inpuahchahna milin tun tuma an bike hi an siam a, chu vangin pathianniah chuan chak zawka bike a khalh theih a inbeisei.

Qatar-a che chhe tak Lorenzo teammate Ben Spies pawhin result tha a neih phak ngei a ring a, vawiina an intlansiak tur hi season kal chho zela rider tha tur hriltu ber tura ngaih a nih avangin a pawimawh viau a, tlai dar 5:30 atangin an intlansiak ang.

Tui luan kawr

Tlang ram chhengchhia a cheng nih vang ni maw, ngaihsam hrim hrim vang zawk ni maw, tui luan kawr kan ngaihthah a, tui chhe pahid dan a mumal lova, hei hian lei min a tih tam phah ngei ni chuan a lang.

Mohenjodaro-ah te kha chuan drainage system khan an lo ngai pawimawhin tha takin an lo duang thlip thlep tawh a, chu chu Lal Isua pian hma kum tam tak tawhah khan a ni.

Kan ramah chuan kan in bul velah tui chhe pahna tha nei kan tam lova, kawngpui sira tui luan kawr awmchhun lah chu PHE Department-in an pipe kal nan an hmang a, bawlhhlawh a ti tang a, buauthlak tak a ni, an pipe hi phum ta vek se, chhungkaw tin hian kan tui chhia te mumal takin pahna nei bawk ila kan fel duak mai awm e.